

白耆山人詩集

白奔山人詩目錄 卷六下

七言律

游嵩山 三首

嵩嶽廟有感

宿少林寺

元夜題少林方丈

游達磨庵遂登少室山絕頂

過開封有感 二首

端午游鐵里河題馬茶史南園

登崆峒山絕頂

游林慮山

六首

訪無聲和尚於大生堂畱題

二首

渡漳登銅雀臺

二首

再過張鄧村訪止庵禪師

二首

先慈生日有感

和李大根許典三來韻

端午王太守出其吳歌侑觴卽席贈之

再飲東園

一首

重陽客通許邑令賈獻之送席卽邀諸社友饗之

二首

重陽讀陶詩有感

偕毛翀九携酒張玄樞莊上看菊

過陸橋題平烟水書室

烟水兩幼兒皆能熟誦余詩異而贈之

題梁以道伏村別墅

許州寓文峯寺卽事

王半石購古書甚富余于文峯塔校之

從杞縣東行抵睢州

虞城題江載渭東莊

二首

九日江載渭張十六携酒東莊志之

游大隗

從鵬厓觀至雲巖卽事

漢卓太傅祠

題超化山寺

游崆峒山

游禹州三峯山示沈繹堂太史

四首

飲繹堂署中與計子山陶季深分韻

一首

從新安澠池至陝州道中作

游伊闕山

過旋門

樂冶新莊偶咏

二首

爲災兒題樂冶新莊遂示張十六親丈

二首

題江載渭蘆村

游蘓門山

從衛輝西游漫咏

從修武抵丹口

從懷慶府抵濟瀆一首

過歸德

過尹店

過趙屯

過七步

題通許主人壁

游高陽里

夜坐偶吟

立春日李驥王印送哭兒至通許志之

西華橋風雪甚大主人出酒相畱作此志之

游殷高宗陵歸臥張廣居草室



秋夜飲孟陟公矩廊時同許毓荆馬某史馬蓉甫分韻

從滎陽河陰觀古戰場

函谷關

二首

過汝南題天中山

登峩眉山

二首

題昭烈廟

蜀中雜咏

三首

題劔閣

二首

閩中

錦屏山與楊猶龍限韻 二首

寓觀音寺之松花泉楊猶龍孫黃中見訪志之

再游錦屏山贈猶龍

讀猶龍蜀中歲暮行吟卷子志之 三首

題玉峯絕頂

立春日孫黃中招飲江上賦之

舟次蒼谿杜曉園時爲縣令招余游離堆山限韻

百花潭卽事

青神至峩嵎道中

臨邛至青城山道中看戲

題黃鶴樓

二首

除夕看觀音寺僧行辭歲禮

夜雨飲陳宗虞家偕孟傳是傳爾常劉仲章劉子葵分

韻

秋夜飲王涓來齋中贈王蘭岩

斬州九日遇談長益言余已死爲余作輓詩矣感而志之

題太和天柱峯

從紫霄入蠟燭澗遂上瑯臺

襄陽懷古

登峴山遠眺

自武昌寄余兩石

二首

贈王涓來太史

孟傳是西山招飲

夜飲劉子葵園中

二首

王子雲自巴河來晤

樊湖訪鄒期仲卽次其韻

二首

麻城哭梅惠連

哭曾坡餘

二首

弔劉同人

譚長益述其家破狀甚慘因成一首

九日過蘄州馮密庵移酒鳳山偕長益分韻

關中雜咏

四首

咸陽雜咏

二首

題未央宮故址

二首

題阿房宮故址

游驪山題始皇陵

再題始皇陵

從胡趨離垢上雲臺峯

題雲臺峯

題蒼龍嶺

題粵嶽宮

玉女峯

蓮華峯

二首

宿岫雲庵

落雁峯

弔淮陰侯墓

三首

謁瀾陵

謁茂陵

謁周陵遂至周公墓

臥龍寺檢藏經

初入太粵山

希夷峽

題荖蘿坪道院

題大上方



從青柯坪上千尺幢

登太白山寄懷孝升兼示韓子聖秋仍用京師舊韻

從雲陽上九巘山謁昭陵兼訪諸陪葬墓碑

二首

從臯蘭至抱罕卽事

從曲江至鄂杜道中作

從興平至鳳翔道中作

自岐山至寶雞道中

秦嶺

定軍山謁諸葛丞相墓

連雲棧

五首

題留侯廟

月夜宿靜明寺與丈雪和尚暨懶石完白分韻

漢中趨漢高帝拜將壇

漢中謁高帝先王廟

從漢中東下至興安

葉澹生山人訪我黃龍潭上贈之

四首

清明過蘆林抵火蓮院轉入祖塔看梅

筆屏庵看雨

金竹坪

般若庵與搏影初筵聞寂三禪師分韻得林字

二首

贈般若庵主僧惟一

從上霄西行過蓮花庵登鐵船峯

訪查天球查小蘆于赤岡

游東林寺

游歸宗寺  
二首

天池寺

題御碑亭

佛手窟

大林寺

火蓮院

黃龍潭寺閱先朝所賜藏經

香山花徑

汪兩若招飲卽席分韻

三首

九江製觀音梵禦寒也咏之

十一月十八日旻兒生辰憶之

孟傳是携其長郎北游余於九江遇之喜贈

一首

游南昌題徐孺子墓

遇何昭侯於滕王閣

從五老峯東下三疊泉

遇餘姚黃太冲于五老峯限韻

一首

宿萬松坪贈聞極上人

除夕與談長益同宿雨若署中分韻

辛丑元旦與長益雨若同賦

二首

人日偕談長益汪武承游廬山

再宿萬松坪閱聞極上人新修山志

再登五老峯

答晦山和尚兼示文燈巖

南康查天球周長孺南昌彭躬庵冒雨至東林見訪志

之二首

泰山 七首

先慈昔在病中諭余必三禮泰山今竣事矣報命

曲阜謁孔廟 二首

拜先師墓 三首

周公廟

從古曲阜登少昊陵遂至防山

重過兗州有感

示余兩石司李

濟南春游

趵突泉

三首

徧游歷下諸名泉志之

北極宮臨大明湖濟南城內巨觀也題之

後春游詩

游大明湖夜歸

登華不注有感



白香山詩集 卷之十一  
秋日丁野鶴來乞白雲樓碑文答之

夏初

端午

元日 二首

中秋有感示黃若曾魏君重諸同難者

吳兒來歷下省予作此送之 五首

詢九河入北海路遂至德平

萊蕪寓千佛寺

贈萊蕪令葉睂初時以貴陽節推改授

萊蕪僧舍雜吟

二首

睂初述雲南事頗可采志之

朱周望自雲間來新詩見投遂步其韻

送崑山徐孚若南旋

過范縣題李在東村舍

南庵結夏贈雲繞立竹二主僧

德州游程氏秀餐亭

冠縣訪梁東川於小化邨

端午飲下茹西齋時偕莊尚之盧德水諸友

武城蘇黃中畱余過夏因題其齋

二首

七夕有女郎見招者主人病不能往余獨醉其家題此  
過清源夜集汪未央畫閣小婢行酒吟詩達旦

暑夜與清源諸友携女郎河干小飲

東昌抵張秋雨後獨酌

安山驛夜雨

濟寧訪李六翮不遇因憶昔年與劉無如飲此感而志之

過沙溝禱延禧月下載酒與蘭若小飲

贈辛怡子

三首

白奪山人詩

七言律



古沛閻爾梅古古氏著

游嵩山

一名崧高山卽中嶽也在登封縣北郭

方嶽中尊設紫庭豫州分野畫丹青平臺蕝發烟雲氣雙時  
叅陪火藻屏攀岱東西聯俎豆河淮南北浴精靈成周定鼎  
無人會測影璿圭主帝星

二

神蓋降頭結草叅東尋曲壑賞厖潭蚪藏巖際雷紋古蟾吐

白奪山人詩集

卷六

七言律

峰月魄涵三相會  
膺天子誥千蓮偶  
瑞法王庵名山僻  
事多難攷敗母云  
何化石函

三

詩讀崧高未及登  
今來風雪路峻嶒  
栽林別有移山鬼  
傳戒難尋墮竈僧  
五渡波瀾收一派  
三呼音響落千層  
枝江不逐曹谿太  
添出黃梅一席燈

嵩嶽廟有感

屑屑金碧想繁華  
廟貌山光盡數差  
松栢失時先落葉  
鬼神

遭亂悉無家  
殘宮草際埋  
賜吻廢閣階  
前置兔罝何  
處道人稱鍊  
術請從灰礫  
認卅砂

宿少林寺

峰垂五乳抱金龕  
少室如屏設正南  
一路寒沙無直水  
滿林蒼柏有餘嵐  
蘆隨手折先畱偈  
雪及腰溪不放叅  
每觸聲聞疑乍寤  
前身應是老瞿曇

五乳峰在少林寺後

元夜題少林方丈

元宵何處好春燈  
柑酒懷人睡未能  
樹裏月光纔漏影  
山間

雲氣不分層北朝金布無雙寺東土花開第一僧鐘板沉沉  
方丈閉毘盧閣下積寒冰

游達磨庵遂登少室山絕頂

達磨庵在少林寺西北三里亦名初祖庵

叫劈懸厓無路登天門一竇挽荒藤神仙窟有龍蛇惟旗鼓  
峰招將帥僧革履雙穿分慧可金裝單授止盧能臨風長嘯  
蓮花頂何處尋思最上乘

少室山有旗鼓峰僧曇宗拜大將軍

過開封有感

流寇再圖開封巡撫高名衡遣子入京師告急大司



馬商之首輔首輔云河南殘破久矣救之無益姑棄  
之未幾河決城陷名衡挾周王逃去河南盡失時壬  
午之八月也名衡爲余友人故記之

中原樞極鎖神京沙海光躔角亢精八月龍津黃水潰千年  
雉堞綠泥平彝門草昧無監者蓬澤塵高失步兵最是流民  
堪發笑歸來滿地掘銀坑

沙海在府城西北十二里龍津橋  
在城西門外

二

維昔中州苦戰場援師無數僅期朔不聞公子趨還魏偏學

條侯坐委梁六代京華渾漏洩三川禾黍一空桑繁臺艮嶽

坵墟盡鐵塔亭亭澹夕陽

梁唐晉漢周宋皆都汴城故曰六代開封舊屬三川郡

端午游鐵里河題茶史南園

杞西南三十五里

蓬門靜鎖兔葵荒綠苑陰森百卉芳新鳥見人偏作語舊花

滋露曉生香扶藜北郭看蕉圃借酒東鄰酌艾觴退步閒居

無一事蕤賓節到鼓篴簫

月令仲夏調竽笙篴簫

登崆峒山絕頂

在禹州西北五十里

昔聞軒帝訪空同今我登巔四望窮紅葉千林中嶽外黃河

一縷太行東危岩倒結龍鬚檜絕壁孤懸鶴膝桐黝黝石梯  
潭水靜撲來香鼠貯衣籠

游林慮山

一曰隆慮在林縣城西二十里黃華天平皆此山名勝處

龍頭山抱曲山橫城在潞山不見城古院錯題王母墓殘碑

猶載黨人名

羽士王津母墓在黃華谷口今作西王母者非是黨人夏竦也

花寒四月

冰霜沍濕響千巖虎兕驚吏騎飛傳肴酒至酣携玉女上天  
平黃華亦有峯有洞有樓皆名玉女洞在削壁人不可到

二

展破荒苔手挽藤盤翅鳥道入峻嶒懸泉飛灑晴空雨

泉名迸珠

即玉女

洞水暗壑陰森太古水午後濃烟炊木竈昏初寶氣覩金

燈一峰千尺無梯上天造浮圖不設層

孤峯狀如浮圖在迸珠簾東北一曰掛鏡

臺

三

春谷黃華蕊似蠶峯圍紫碧映澄潭雙厓懸瀑分雞翅

雞翅洪在

獅子降西

神因山上百岫明霞射蟻尖

蟻尖寨在黃華谷北十里餘

帝闕曾開洹水

右殷直甲居相

天文略近壁星南琴臺石榰松亭廢草隱從

漪凹凹庵 庵即從漪禪師遺蹟

四

神圉仙居貌不同

神圉山在黃華谷上  
仙居峯在天平山南

桃花絕巘石龕嵒

桃花

崑在逆  
珠簾上

微尋庾袞棲真路

庾袞晉  
隱士

懶過高歡避暑宮

宮在棟  
天峯下

菩薩洞懸金翅上支離叟住玉虹東

鮮于樞得恠松呼爲支  
離叟皆天平最險處

妍暄時節登臨倦跌坐披襟納冷風

冷風門在菩薩洞東山  
上

五

搥衣緩步陟崔嵬登幾廻兮望幾廻碧障千尋封雪竇黃沙

百里見銅臺龍鬚水下高平太熊耳峰連上黨來龍鬚泉在南崖上熊耳在西崖上皆黃華谷更蒼蔚烟嵐無寸縫扶筇到處劃然開

六

太行東麓有林慮

師古曰慮音慮平聲

邃谷靈泉百種餘客躡險雲持

枳杖官移秋酒佐籃輿枝頭乍轉櫻桃雀池上閒看玳瑁魚

峰以樓名非杜撰從來仙子好樓居

仙人樓峯名也在黃華谷上最高

訪無聲和尚於大生堂畱題

堂在郡城北三里

誰能放下此蒲團三月鶯花一路看支遁山從何處買神光

心到幾時安石高遺跡銅臺燼燕趙佳人錦瑟殘溪謝祇園  
畱客意黃金滿地月明寒

鄴下多是石虎高緯所創造者故云

二

椿芽枸杞薦香厨祇樹林中半月餘掌上拈花猶這個眉間  
橫劍欲何如彰河水殺搜銅瓦汲冢燈殘枝竹書師友情溪  
千里至晨鐘喚醒賦歸與

余以吊先房師呂公至安陽故云

渡漳登銅雀臺

春浪初消滿岸沙西陵縹緲白塵遮樓臺不住淪漳水瓦礫

何能攷漢家風撼草橋千個柱烟藏茅屋四隣花總幃空矣  
分香燼林慮山頭日影斜

西陵卽曹操疑塚

二

鄴下風流始建安羣雄遺蹟濁漳干琴紋瓦碎千秋字冰井  
臺空十丈榦滴添黃銀鳴戲馬珉雕綠礎映飛鸞因疑七子  
非同調文舉何曾附老瞞

再過張鄧村訪止庵禪師

村在彰德西四十里

曾於龍樹一投鍼錯會微言冒雨尋蓮發雙池誰結社松栽



五粒早成林思從常住叅無住肯把非心喚卽心慚媿給孤  
貧老甚不能園內布黃金

二

婆羅面壁不曾閒直待神光始破關落葉有情歸本樹拈花  
無語笑靈山潑林日暖樵漁睡曠野雲高鹿鶴還老矣未尋  
休息地茅棚粗結兩三間

先慈生日有感

四月二十四日是年九十

涇水橋南麥浪新僧寮明發苦懷人徒傷白首行千里未及

黃泉拜九旬入耳惟添風樹恨離家不顧子孫貧欣聞壠柏  
猶無恙或者其間有鬼神

和李大根許典三來韻

大根諱鐘盛典三諱三禮俱辛丑進士彰德人

水井珠泉各問奇梧桐小苑坐譚詩圖書映帶雲雷氣羹  
氤氲翡翠姿白紵孤吟常自快青山共賞不吾私南歸行李  
蕭然甚搗得韓陵一片碑

大根出其家藏古器命余賞鑑故詩中及之韓陵山碑溫子升文

也在郡城東北十里

端午王太守出其吳歌侑觴卽席贈之

太行山左麥花晴律中  
蕤賓鳴始鳴既是至人分虎艾何須  
天子賜塲羨珠衣  
細剪蒲桃錦玉笛  
新調瑋琇等如此風光  
非痛飲離騷讀殺不成名

再飲東園一首

洹橋數次列干旌  
又掃東園滌玉觥  
狂客喜聞三弄鼓

是夕演漁

陽參

鬢厨多設五侯鯖  
花階移影星初燦  
射圃無鹿月正橫

金鑰傳遲銀漏下  
西山一帶返霞明

重陽客通許  
邑令賈獻之  
送席卽邀諸社友饗之

海石江雲一擔擔西風留客駐河南尋僧偶過蓮花社遇酒  
時亭栗里籃輿坐氍毹黏菊虎涼侵絺綌謝水蠶蘭膏見跋  
同人醉牕外晨雞已報三

二

游絲繹繹影如縑天以霜澄勢漸高道院花開紅茉莉官衙  
菓送綠蒲萄亭多立字侯芭問酒在兵厨阮籍豪羈旅秋光  
題不盡紉將蘭蕙譜離騷

重陽讀陶詩有感

永初之朔旣歸田忍待元嘉又數年祇有一生沽酒債曾無  
三徑買山錢閒中甲子俱忘矣醉後詩文輒慨然愧我未能  
牕下臥東籬遙隔暮秋烟

偕毛狝九携酒張玄樞莊上看菊

尋秋西郭入楓庵酒一匏尊榼一擔曲閣黃花琴史映疎牕  
白石兩烟涵登高望野風微北策蹇歸城月正南霽色皎然  
松外步霜空如碧影澄潭

過陸橋題平烟水書室

橋在扶溝東門外五里

岸蔭垂楊繫釣船貧無僮僕自耕田  
園栽叢卉衣常掃籬插枯柴手自編  
山水好名畱客賞文章隨地有人傳  
解囊沽酒嫌多事榆筴風吹滿路錢

烟水兩幼兒皆能熟誦余詩異而贈之

時羅升如張大房在座

初到班荆事可疑郎君花下誦余詩  
逃名恰在知名處賭酒偏當中酒時  
漫指雙珠嗟蚌老翻因千頃拜牛醫  
同人覲面無知者佇立東風詫小兒

題梁以道伏村別墅

伏村在鄆陵西十里

香城仙子玉琴裝  
釣月乘魚走大荒  
出沒滄桑俱是幻  
支離名姓若爲狂  
屈騷連類三千字  
阮咏無題八十章  
知己天涯原自少  
河南獨有四松堂

四松堂在伏村

許州寓文峯寺卽事

寺在城東五里有塔

幾樹榴花映竹枝  
一林新綠亂黃鸝  
荒山不俗聲聞靜  
明月無塵捧喝奇  
柱下纔堪稱藏去

音史笙中何得補  
亾詩少年離

析江淮久今到河南  
匪所思

吳興二子俱在塔下受經故詩中及之

王半石購古書甚富  
余于文峯塔校之

牙籤分部出金陵裝潢

音續去聲

標題五綵滕青兔墨光穿宋紙

白蟬綃粉啞吳綾操觚二酉山中帙乞火雙林塔上燈懷古  
情潑常閉戶閒將通慧補神僧

從杞縣東行抵睢州

河濱金隄勢不常無邊客土積成岡三家村內餘倉鼠八蜡  
塹中穴地羊路扼咽喉真要害形如沙漠故蒼茫陳畱自古  
多奇士歲十三兒救外黃

外黃舊城在杞縣東北有舍人兒祠

虞城題江載渭東莊



微茫柴逕水痕幽，出沒無人掩破樓。  
但有垣牆千樹裏，不聞雞犬一聲秋。  
瓜茄炊飯香凝露，蘆荻歸樵月滿舟。  
對此居停如仲蔚，蓬蒿深處補羊裘。

二

蒹葭百頃抱吾廬，隱隱樓臺水四虛。  
滿地俱成花下藕，經年不買市中魚。  
襄陽賓主家人意，彭澤妻孥酒客餘。  
欲寄犬兒隣雪苑，呼名猶恐戲相如。

九日江載渭張十六携酒東莊志之

豕跡狼腥絕牧樵  
蒲溪風驟火焦焦  
虛埋寺碣支爲案  
橫繫漁舟踏作橋  
枯木豈能藏錦雉  
達人何事咄鳴鵝  
東籬別久他鄉見  
亂插黃花倩酒澆

游大隗

一名茱萸黃帝見大隗於具茨之山卽此在密縣城東三十里地勢絕險

疊嶺頽岡互換迎  
流泉無數往來洶  
溝溪仰見雲中屋  
穴暗虛聞地底聲  
馬走崩厓常縮步  
人居絕壑不愁兵  
潭魚野菜逢時薦  
何事懸梯謁廣成

從鵬厓觀玉雲巖卽事

森森鳳檜古鵬厓破瓦塵牕路四開石碣古文荒草瘞金丹  
靈藥後人猜雲巖下鑿潭根太風后高蟠砦頂來四顧茫茫  
何所見村翁携酒列仙臺

風后頂在空同東山後接大湯寨

漢卓太傅祠

卓茂曾爲密令故祠

古柏陰濃瓦數椽子康遺愛結束阡觀其託病新都義不媿  
封侯建武年過客搜尋殘俎豆土人歌沐舊山川滄桑一往  
循良在生色春雲鎖祭田

題超化山寺

在密縣東南隋開皇年間創唐貞觀年造  
二塔今存其一

溱洧雙渟百尺潭  
青天沉底映伽藍  
羣峯疊翠罽毼繞孤塔  
韜光舍利涵紫頂  
人烟如畫裏  
畦邊風景似江南  
漁郎不識桃源客  
錯過重來話已愁

溱洧二水源在山西二里

### 游崆峒山

在禹州西北黃帝謁廣成處

叅錯峯牙勢不齊  
踈雲覩日路高低  
松藤蟠屈樓臺颭風雨  
沉冥虎豹啼陰壑  
雙潭漸欲響懸厓  
一洞上無梯  
香吹丹竈知何處  
且就黃庭卜隱棲

### 游禹州三峯山示沈繹堂太史

時爲大梁巡道駐禹州

帝饗釣臺未可期風光愁絕六朝時崔鴻特筆南齊朔王肅  
增修北魏儀耳食山川人自陋心傷文獻我誰師佳禽異卉  
多嵩產采采薌蘭聽畫眉

禹州卽夏啟奏釣天樂饗諸侯處  
萬曆初年避諱改今名

二

碧林青嶠翠相參波瘦沙澄徹底藍七聖掛瓢從野外三峯  
如簋設城南屐隨高下頻移齒杖可枝梧省用簋刷得苓莒  
堪卻老將尋巢許結松龕

黃帝遇七聖於襄城之野卽此

三

微雲碎剪月明虛香篆蕨蕤急就餘朔北夜烽占鷄雉江東  
秋鱸想鱸魚平分校尉厨中酒戲曬叅軍腹裏書疎濶華亭  
諸子信士龍狂笑近何如

四

次公臺下嘯青燐金石塵埋滿路榛潑井屠兒殲俠累邯鄲  
賈豎滅羸秦貪尋異跡登臨快錯入荒山境界新郡國風謠  
非我事悲歌憑弔且斷斷

禹州古陽翟戰國屬蒲政呂不  
常皆產此

飲繹堂署中與計子山陶季深分韻

五嶽菁華一半收  
馳英淑處訪丹樓  
名山或者嘗棲鳳  
高士何曾妄飲牛  
筆削烟霞多副本  
悲歌霜露幾中秋  
移文麴部來相佐  
不乞餘錢累杖頭

吳州卽潁州郡太守黃霸有善政鳳凰屢見卽此

二

墻衣蘿薜竹門開  
曲徑雙橋茜古苔  
子建鋒于黃雀試  
休文病自綠牕來  
周南太史貽金匱  
江左新題選玉臺  
歌罷夜雲停不  
去花陰閒夢一庭梅

繹堂病中出其近作相示故云

從新安澠池至陝州道中作

鴛鳥羣飛澗水澄樓船闕地鑿峻嶒桃林日晚勞夸

音平父葱

嶺雲閒別定僧擊缶謹傳秦趙會封尸哀感夏周陵登高直  
上鵲鵲墳亢石無階幾萬層

游伊闕山

亦名龍門在洛陽南三十五里伊水入洛處

青蘿石墨嶺相連鑿斷䟽通閤頓泉近配轅轅稱四闕遙從  
洛汭滙三川鯢吹細浪嬰兒叫鶴翥晴綬帝子仙滿壁黃金  
雕梵像污埋堪笑亦堪憐

過旋門

在汜水縣西



旋門東下抵敖倉外望平坡內嶂音上人物斗從雲上縋城

池潏在窟中藏崇厓磔裂懸樵逕枯骨嶮嵯積戰場豎子成

名曹馬革嗣宗原不是猖狂敖山在河陰西北二十里秦時敖氏築倉於上古戰場河陰

廣武山下阮籍嘆豎子在此

樂冶新莊偶咏

莊在虞城東四十里俗稱小喬家集是  
災兒購者

雨霽天空野色分秋烟如組散成雲遇仙樓曠開新社無影

山寒出惟雲水落黃河隄斷續花凝白露葉氤氲田家處處

犁明月遙聽牛歌夜夜醺過仙樓無影山皆梁碭間古蹟

二

秋分露湛碧空涼  
歸雁羣飛別草堂  
架上尋瓜畱客飯  
河邊伐荻湊官糧  
荒池雨過芙蓉潤  
曠野風吹薏苡香  
痛飲連宵思暫歇  
隣家又送蜨螯黃

爲哭兒題樂台新莊遂示張十六親交

十六虞城諸生哭兒婦翁也

家在名山第幾枝  
河南流寓匪前期  
能成爾事夫何恨  
徑去吾鄉亦可悲  
須使人驚梁苑賦  
休誇天賞孟諸廩  
驅車五嶽歸來倦  
秋海棠前進一卮

孟諸澤卽歸德賜廩事見郡志

二

窮游天下極天邊  
備攷名山與大川  
金石畱心皆學問  
詩文得意卽神仙  
偷閒不作功名想  
避禍翻成子女緣  
此夕渡河逢故舊  
風光猶似十年前

是日孫襄宸至莊上末句及之

題江載渭蘆村

籬落無門秫葉颼  
一間茅屋破牆頭  
村醪自可深更醉  
海客何妨竟歲畱  
斲木緣溪栽地草  
垂枝滿苑結岡樛  
漁郎漫說桃源隱  
不及蘆花耐晚秋

時有遠客在座故四句云云

游蕪門山

在輝縣西北七里山下百門泉卽衛風泉源在左者

村村桃杏染紅烟  
直上蕪門俯百泉  
波戲魚龍吹瀑布  
嘯聞鸞鳳發丹田  
幽巖花草紛垂路  
空水亭臺倒刺天  
火自有光光不用  
悟來誰不是神仙

孫登與阮籍對嘯及以火光教稽康皆在此

從衛輝西游漫咏

彪村西路接金沙  
地近河陽處處花  
山市無非荆簍篴  
園居多是竹籬笆  
成臯北渡馳修武  
元鼎東巡置獲嘉  
行到午餘思暫憩  
黃公村內酒帘斜

從修武抵丹口

丹水口在清化鎮西多美竹

荒臯漸次入烟岑  
駐馬旗亭賞翠陰  
樵父常眠六真洞  
山翁獨撫一絃琴  
家家活水穿中雷  
處處新篁簇茂林  
人苦風沙游興倦  
丹河橋上發清吟

從懷慶府抵濟瀆一首

瀆在濟源縣西北三里

將尋濟瀆歷金莎  
列障羣峰翠似螺  
嶺越猴山棲帝女  
丹甌猶洞舐仙歌  
三城並峙懷州壯  
七谷全收晉水多  
更欲洗蓀王屋里  
却從何路訪烟蘿

過歸德 古睢陽也國初爲州萬曆年改爲府

霜霽棉收野色氤拾花村女纈長裙緣隄窵澤驢無路列陣  
平沙雁各羣廟祀雙忠餘殺氣墳哀七步有遺文今年節候  
殊乖戾冬月殷雷不寸雲 雙忠廟祀張巡許遠在城內

過尹店 杞縣城北

秋塵四阜影茫茫百里萑苻旅店荒望歲農兒憐犢瘦從禽  
獵者待鷹忙虛聞鬼卜鳴篝火擬挽神弓射孟霜一自吹臺  
沉甕後更無詞客敢游梁

過趙屯 杞縣城西

微服西來僻路迂  
行人結束稅牛車  
諸侯盟會梁公子  
太史推原杞世家  
野賽每逢歌舞亂  
晨征常見畢參斜  
經過俱有春秋蹟  
題向東樓紀歲華

周封禹後於杞號東樓

過七步卽曹子建墳在杞西

簫篆螭碑一路撻  
山川憑藉古人留  
中原繡虎曹陳郡  
南國荒鷄祖豫州  
金石菁華開氣數  
漁樵文字發冬秋  
無家莫作窮愁看  
晚歲功名是浪游

祖逖爲豫州刺史卽杞縣

題通許主人壁

秋衣敝垢忍霜華曉借東隣一澣紗  
隨手詩文生地王貼身  
童僕散天涯孤桐月落還移影  
野菊水垂尚有花難得居停  
貧愛客殷勤麥粥薦黃芽  
主人張嗣珍是孟依之舊交

游高陽里

鄴食其爲里監門卽此在杞城西三十里

四野紅霜牧笛愁悲風蹈厲捲河流  
高陽里在無人醉廣武  
墳凋幾樹秋作客長眠蘆絮楊  
尋僧閒坐菊花樓田家不解  
神何氏操一豚蹄祝滿篝  
通許志城西有廣武君李左車墓



夜坐偶吟

風定烏眠漏柝催居墻蟋蟀冷然哀  
農家蔬飯勤相餉旅客綿衣薄未裁  
海際雲紅隨日浴林梢月白帶霜來  
經冬何物堪顚顚耐爾山牕一樹梅

立春日李驥王印送嬰兒至通許志之

跌坐蝸廬雪隱村天涯人忽叩柴門  
程嬰逃去存宜孟李續歸來感次孫  
哽咽相看如隔世居停不測可無言  
冰堅會有春風解此外窮愁莫更論

西華橋風雪甚大主人出酒相留作此志之

古來文獻考中州義墓康陵次第游負販糟人堪將相輟耕

傭者笑王侯疲驢碎走冰前路凍鵲低飛雪上樓橋昨適逢

魚酒社不須輕典鵬霜裘

義墓卽太昊陵在陳州城北夏少康陵在太康城西

游殷高宗陵歸臥張廣居草室

廣居名書紳余門人

茅亭無戶臘風寒天際星辰榻上看撥火盆中煨熟芋儲柴

穴底窸蔴蘭山川勝蹟樵蔴盡金石遺文甲子殘游覽殷商

三毫地武丁陵左耐甘盤

武丁陵在西華城北古長平鄉耐樊有甘盤墓

秋夜飲孟陟公矩廊時同許毓荆馬柴史馬蓉甫分韻  
不須搜刺直登堂列酒琴蜨坐石牀海內姓名猜有數花間  
風露襲來香流空大火斜三點貯月中庭可四方討論西京  
殘樂府牙牌限韻譜伊涼

古樂府有伊州涼州曲

從滎陽河陰觀古戰場

漢楚當年拒索京今來目擊始分明常逢絕礮愁尋路猛到  
懸厓喜見城天險無非懸地險正兵全是夾奇兵兩軍持久  
防先退讓過鴻溝一戰平

索水京水皆劉項戰處在滎陽

函谷關

新舊函關較不同，界當分陝峙西東。  
樓船櫓戟黃華內，柱史經幢紫氣中。  
料敵昔曾聞蹇叔，棄繻今未有終童。  
盤行溝底無歧路，仰視青光一綫穹。

二

隘谷斜登勢到天，車無方軌騎單牽。  
千尋青壁身旁夾，萬里黃河足下漩。  
范叔西來人不識，田文東出吏猶眠。  
長途雖倦還周覽，石姥山飛百尺泉。

過汝南題天中山 城北三里平地樹石碣

誰將尺梟樹天中窪注柴潭碧草叢金石多存名士里漁樵  
未替黨人風嶮岬洞內鐫飛白錦繡溪邊步落紅空到葛陂  
尋費杖不知何處訪壺公

登峩眉山

三峩俱在嘉定峩眉縣大峩獨遠在縣西百里

金天月影掛夷方玉桂輪高燦有光萬仞崇階聯井絡千年  
陰壑閉凌房西池母薦青神瀝南壽仙稱白帝觴八十四盤  
雲不到晴風颯颯雪山涼

二

中峯橋下束雙谿，關浪衝沙震鼓鼙。  
脊磴風搖攀鐵索，頤厓石陷蹋藤梯。  
憑虛但覺千山伏，到嶺全無一鳥啼。  
銅瓦殿殘遺墨在，建文壬午雪庵題。

中峯寺雙谿橋峩山初路

題昭烈廟

郡城南

高皇世祖兩貽謀，章武還從末路收。  
自可王孫承帝統，寧容國賊篡神州。  
蠻方擴地曾名益，蜀士談天直姓劉。  
諸葛死忠誰死孝，當時悔不斬譙周。

蜀中雜咏

雍梁徼外古蠶叢秦漢年間路始通  
珠錦光華生翰墨江山險阻快英雄  
神州但有龍蛇事鬼宿先爲虎豹宮  
祇喜晉人傳釀法酴醾香窸竹根筒

山濤爲郗令剡大竹貯酴醾花作酒名竹根注亦名郗筒

二

嚴真觀內草茫茫天女支機倒畫廊  
益部星辰占孟節嘉陵弟子服元章  
猿啼早夜珠江應花燦潏春玉壘香  
邈矣君平簾不下游人何處卜行藏

錦市當年百寶陳  
遭逢離亂不成春  
爾來何速思  
名將我見猶憐  
痛羨人白鳳  
亭墟玄草散  
青羊宮燬道經塵  
登高西望邛峽近  
轉恨銅山賞弄臣

題劒閣

亦曰劒門關

巉崖橫障井南天  
萬仞無階一罅穿  
遍地頭顱生鬼火  
空村瓦礫絕人烟  
峯攬劒刃千將鑄  
壁鑿星文閣道懸  
形勝異常衙壁去  
庸才誰不罵劉禪

蜀爲梁州之域天文井鬼分野關南有大小劒山故云閣道星



在營室

二

南梁西界列雲屏玉女臺陰綻絕徑冰雪凋殘供奉句

李白有劍

門關

荆榛剝蝕孟陽銘

張載有劍閣銘

關前流馬馳三國江上啼鵲

恨五丁月落溪山無宿處料盤圍火看春星

蜀中爲張獻忠殺殘行人依巖

下夜坐圍火防虎謂之打料盤

聞中今保寧府

葭嶺雲高梓樹濃閬州城對錦屏峯金牛入棧銘司馬石燕

臨江祀伏龍絕世山川非耳目經年花鳥不秋冬大秦身毒  
曾通漢便道幾嶠借一筇

錦屏山與楊猶龍限韻

山在城外江南屏

仲冬天氣似花朝岩壑髣髴翠未凋半截雲沉峯頂塔兩來  
船斷雨中橋漁村鳥柳圍金橘僧舍香楠蔭鐵蕉地接蕃駝  
人習苦荒山紅葉女郎樵

聞中城下卽嘉陵江江有浮橋

二

千尺崩厓古碣蹲勾衣草蘼落花痕踈烟江上白鷗影冷日

天邊紅樹村如畫  
亭臺浮水面懸空  
鼓吹落山根  
武侯祠對桓侯墓  
悲感無窮  
酌一罇

張翼德基在閬城內

寓觀音寺之松花泉楊猶龍孫黃中見訪志之

臘朔山晴曉未霜  
璆然竹外駐鳴珩  
一泉春水茶經漏  
四嶼寒花石鏤香  
逃世有年無世法  
與僧爲偶卽僧裝  
東林地僻難沽酒  
斑馬蕭蕭送夕陽

再游錦屏山贈猶龍

錦屏山放百花穠  
江海人於意外逢  
長謝諸侯援鉅鹿  
孤行

絕域唱猶龍天當南陸還如暑地近西羗不見冬問道年來  
還結客星軺萬里有誰從

猶龍鉅鹿人以翰林出爲臬藩故云

讀猶龍蜀中歲暮行吟卷子志之

見山堂下考靈鍾音色非常不肯濃時向花間啼謝豹羞隨  
江左著雕龍三巴有水皆成字九阪疑雲盡是峯已自置身  
圖畫裏猶將離怨寫芙蓉

二

江千琴史購零星金石敲殘指血青羅漢松遮花裏路美人

蕉拂雨中搖繖絲錦戶迎蠶帝過峽踪船祭繁靈題罷雪樵  
行樂卷可憐游宦亦飄零

猶龍在蜀中自號雪樵

三

唐玄宗忽思嘉陵江山水命吳道玄馳驛往寫歸圖  
大同殿內一日而就李思訓亦畫大同殿數月方畢  
上謂各極其妙

不須馳驛繪嘉陵環郭皆江濯翠屏載酒時聽空樹鳥拈花  
適有破山僧青衣水暖尋仙草白帝天寒放聖燈一帙蜀吟  
何處賞峩嶠絕頂雪陵嶒

空樹在錦屏山下樹中可坐數人  
草堂寺僧離指卽破山付法者

題王峯絕頂

自來山人詩集 卷六  
秋雨南屏劈半空，名山河事惱愚公。  
三峩水急收瞿滌，雙劍門高壓梓潼。  
佛塔嶽嶽雲岫表，漁艇款款乃畫橋。  
東登臨遙辨荆楚路，十二巫峯杳靄中。

立春日孫黃中招飲江上賦之

黃中時爲川北道

東風習習錦屏烟，客邸逢春又一年。  
映水峯光澄綠玉，過橋人影踏青天。  
蜚螻誤作長庚膾，龍鮓驚飛僕射筵。  
坐到談言微中處，渝歌巴舞亦逃禪。

舟次蒼谿杜曉園時爲縣令招余游離堆山限韻

花朝三日泊蒼谿雨過芳茵溷作泥食指撩人先氣動春禽  
喜客徧山帝紅氍毹布酒烟波縹白甕登峯款乃低坐看離堆  
雲物好來從鶴羽覓山棲

百花潭卽事

名浣花溪

春風吹息紫桐州小鳳銜花映綺筵蜀國人文多錦繡岷江  
物色更鮮妍啼鶯空作招魂帝飛鼠來迎落魄仙山夜快談  
僧父事老僧方竹已規圓

青神至義嶺道中

青神縣在眉州南八十里義嶺縣在  
嘉定州西八十里皆漢時犍爲地

春游隨路紀風光  
貰酒丹稜搗蔗霜  
到處江山皆創獲  
生來人物不尋常  
神從外徼呈金馬  
仙過中巖跨木羊  
自是嘉州多異產  
園林合抱海棠香

臨邛至青城山道中看戲

古臨邛改邛縣屬嘉定州今復爲邛州

曾聞蜀國四弦詩  
可補江南白紵辭  
村舍笙簫誼蠹母  
江神婚嫁謂冰兒  
衰年不作題橋夢  
退步何煩叱馭爲  
此去洞天尋道伴  
青城山下掘蹲鴟

題黃鶴樓

亦名黃鶴



晴川芳草近磯頭小景何堪狀此樓須把江山雲外看直將

蜀楚檻

去音

前收芙蓉風秀飛銀雉雷雨塘深躍鐵虬欣賞離

騷南浦句風波滿目美人愁

白雉山有芙蓉峯在大冶蚪塘禱雨在武昌南

二

嶓岷萬壑注荆襄突有橫磯截武昌鸚鵡洲前名士賦蜘蛛

井內美人妝凌空西望懷仙子破浪南征撻鬼方莫道八分

林木少山花如繡百叢香

蜘蛛井在郡治東

鬼方卽今貴州八分指郡城山水

除夕看觀音寺僧行辭歲禮

鐘鼓高撞滿殿燈梨裾疊拜影繩繩忙閒半刻交雙歲動定  
諸天界兩眉日月不停傳舍客江山多有住家僧漫言除夕  
除何物轉盼洪爐一派水

夜雨飲陳宗虞家偕孟傳是傳爾常劉仲章劉子彞分  
韻

瀟瀟夜雨一簾燈螢火光霏似玉繩偶得君爲江上主纔知  
余是酒中僧仙槎舊載三峩雪鬼斧新彫六月冰所至諸侯  
投刺懶羸驢跛躑不堪乘

秋夜飲王涓來齋中贈王蘭岩

蘭岩吳人善歌詩

三絃

荷衣仙子侍青箱琴閣帷燈笑語將夷則律鳴金蟀吟中秋  
花散木犀香宮中私粉羞何令都下新人看衛郎醉後楚歌  
儂不肖爲言家住古橫塘

蘄州九日遇談長益言余已死爲余作輓詩矣感而志之

乍讀君詩淚欲吞知君曾爲我招魂仙人諱說淮王殺使客  
驚看范叔存白氎三年乘葉馬黃花九日膾江龍蘄陽古寺

重生日一笑從前鬼錄翻

題太和天柱峯

天柱亦名玉柱武當山嶺

嶰嶺中尊玉柱孤童童首狀博山爐金銀烟出神宮氣星斗  
懸爲寶劍圖遙見羣峯端笏冕低聞下界響笙竽人間最是  
窮難救丹草風香采數株

從紫霄入蠟燭澗遂上瓊臺

榔梅祠近紫霄峯杉栝參天幾萬重蠟澗樵穿銅殿崕瓊臺  
客聽玉巖淙無心適見瘋癲影着意難尋邈邈蹤學道多年

功不就磨鍼姥亦笑龍鍾

襄陽懷古

陵厓包城做大隄維舟閒聽子規啼仙娥繡鳳雲生眼漁父  
槎觴月印溪泉湧珍珠光粉水里名冠蓋集銅鞮習家池近  
昭王冢借讀蟲書更品題

大隄在郡城西接檀溪

登岷山遠眺

山在襄陽城西南七里羊祜杜預遺跡俱在此

墮淚沉碑廢迹灰游人耳食競徘徊登臨不奏襄陽樂風氣  
還占晉室衰澗飲竹廳通馬穴橋穿金鼠上鷹臺隆中咫尺

堪憑弔梁父吟從此地來

樂府清商曲有襄陽樂在光化縣

馬穴山

### 自武昌寄余兩石

東樓臘夜雪樽開  
箸撥寒香笛弄梅  
四海無踪元節去  
三年有約巨卿來  
花光逐水疑秦洞  
江影涵天浴楚臺  
聞道故人將次至  
却停烟渚一徘徊

東樓把縣也兩石爲大梁司李駐紓夜招余飲故追述之

### 二

西南萬里阻窮荒  
又鼓魚刀下漢陽  
空谷幾人藏日月  
名山無數乞文章  
白蘋洲上茭瓜嫩  
黃鶴磯前艾虎香  
藿響楚然

真不料登高把酒試商量

贈王涓來太史

有引

壬辰春客燕涓來顧我于王雲從邸次庚子夏抵武  
昌涓來已成進士官侍讀請假還里矣相見甚懽唱  
酬數月以詩志之涓來諱澤弘黃岡人王雲從諱雲  
龍涇縣人癸酉孝廉

虎坊橋畔筑聲勻  
駐馬悲歌歲在辰  
到老疎狂誰重我  
經多風雨倍懷人  
雲分便覺山無色  
劍合纔知物有神  
萬里孤舟

來一訪皎然明月大江濱

孟傳是西山招飲 諱道豚武昌縣人

枌榆姓字久皇然今夕初逢迺少年結客樊山珠履盡移家

陶室石蹲傳瓜圻月落來鐘磬棗墅香湲奏管絃寒夜歸成

風瑟瑟幾星漁火睡江烟

陶侃宅在武昌西山宅有墨石砌如蹲瓜圻卽孫仲謀遺跡

夜飲劉子彞園中

諱隆性黃岡人劉中丞長孫

塙園花竹一城低城外丹樓畫不齊高樹有聲江在枕遠村  
如繡水穿畦磯頭新雨青鰣上峯齒孤雲白雉啼中夜讀書



多恠遇帷燈射出乙仙藜

白雉武昌之第一高山也城南五十里

二

松雲一塢北城隈古址新裝結構纔亭柳自如吳苑發池蓮

疑出晉僧栽峯環烟卷隨時變徑曲花深按月開雨不停聲

人不睡隣家猶作管絃猜

此古之武昌也西門柳卽吳時舊徑  
慧遠先住武昌之寒溪寺在

今城西八里

王子雲自巴河來晤

諱一翁黃岡人庚午孝廉

武昌城外望西山中有遺民爾更頑田舍小兒驚我輩鬚眉

自在山人詩集卷之十一  
三二  
男子餓人間醫貧方略隨緣授賈禍詩文盡數刪莫以無家  
爲苦事陸沉何處覓鄉關 子雲棄黃州舊居流寓巴河故云

樊湖訪鄔期仲卽次其韻

諱明昌武昌人丁丑進士隱樊湖峒山

雞頭菱角小船裝風靜殘荷氣滿牀元亮歸來三徑醉靈均  
佩去九秋芳花寒猶撫山中桂日出還歌陌上桑村內漁樵  
無識者錯聞鶉鴒是鴛鴦

二

十七年來賦遂初移文誰敢到吾廬裁衣每愛芙蓉晚垂戶

還嫌薜荔疎郭外高人能雪履雲中仙史好樓居牀頭自著  
班生論不賦長楊及子虛

麻城哭梅惠連

本名之煩後爲菡木和尚

大江聲咽楚辭哀寫寄春風嶺上來家國陸沉三昧等香燈  
游戲五宗開鴛巢失所悲賢者鵬集非常忌秀才聞道庭前  
芳一樹須知木稿不曾灰

惠連晚乃得子故篇末云云

哭曾坡餘

本名鴻烈後爲依秀和尚麻城人

廣陵歌散聚金陵幻作黃梅一樹燈旗鼓相當成莫逆宛親

無住豈凡僧過來始悟生還滅歸去何分秀與能四十餘年  
知已盡江臯五月涕寒氷

二

博學宏詞久擅場風流歸到涅槃堂雲岩說法畱餘地風穴  
裁詩有異光造塔須叅無縫意拈花不斷未來香笑從老病  
庵前去葦屋山丘共夕陽

弔劉同人

諱何甲戌進士麻城人

孤舟萬里駐江干風雨淒淒盛暑寒季子劒從何處掛牙生

琴復向誰彈天涯悉數窮交盡海內重尋畏友難著述幸當

全盛日不曾遲到帝京殘

同人撰帝京景物略在甲戌乙亥年間

談長益述其家破狀甚慘因成一首

丁卯橋邊血草蕪老人家破佩桑弧幾多王謝隨招隱可有

英雄似寄奴海過南徐潮影亂江寒西塞月明孤花開正值

重陽節爲問居停送酒無

九日過蘄州馮密庵移酒鳳山偕長益分韻

山在城西南臨大江

漢臯仙子菊花釵孤立秋汀不見涯楊柳村疎藏簪笠梧桐

葉脫爨琴柴行歌聊復尋僧話醉臥何妨以鍾埋破帽風吹  
俱禿頂龍山安敢誚吾儕

密庵甲戌進士與國州人

關中雜咏

今西安府東有函谷關西有隴關故曰關中  
周豐錫秦咸陽漢唐長安皆是

周秦西漢暨隋唐歷代京華一色荒  
鼎華相爭隨地造山川  
不改笑人忙嶠函鎖鑰重門險  
邽隴絲茅沃野長  
殿閣凋殘  
形勝在時從瓦礫烟星鐸

二

童童獸角敵樓攢尺樹無存市園寒  
三輔僅如州縣式五陵

誰作帝王看雲沈太乙圭峯隱火爐咸陽冀闕殘城內築城  
猶漢制昆邪屬籍久長安

三

井地畝耕土澤柔田惟上上古雍州山依壑嶽爲全勢水滙  
潼津截衆流鸚鵡谷荒蘭殿夜麒麟閣燬柞宮秋多年懷想  
英雄蹟老入關中補壯遊

四 漢晉隋唐各一長安故云云

關中不是一長安逐處尋幽筆墨殘好時田園娛陸賈新豐

雞犬謝胡寬泉滋繡嶺三冬煖雨禱靈湫六月寒辛苦磻溪

翁耐老熊彫未夢守漁竿

胡寬造新豐匠名

靈湫在太白

咸陽雜咏

咸陽凡三處古咸陽在今縣東三十里

孝公修政徒咸陽踵事增華歷武襄鵠首邀天原不醉豺聲  
震地遂如狂開軒狹小前宮關變法焚燒古帝王若使一家  
能萬世至今猶自築阿房

尉繚子謂始皇豺聲

二

羣臣上號喜荒唐去秦兼稱帝與皇經史爲讐無噍類神仙



作病入膏肓懸橋海上凌三島置郡山東掃六王對此奇人  
須變計侏儒阮盡亦何傷

羣臣初號始皇爲秦皇後乃去秦  
著皇兼帝號

題未央宮故址

府城西北十五里

神臯奕奕野烟籠荆杞細縑古漢宮先是畱侯曾勸駕後來  
蕭相獨釐工終南翠色浮三時渭北寒雲鬣九嶷基址監完  
靈爽在猶堪把酒一歌風

二

遷都大計決高皇建信文成略與商井上明星躔五個關中

野老賀三章幽人徑僻蓬蒿隱豪士園空苜蓿荒携得歌兒  
能擊筑依然風景似吾鄉

蓬蒿指張仲尉苜蓿指袁廣漢

題阿房宮故址

跨渭水南北接咸陽

渭水云何象漢津浪言營室擬星辰員嶠妾遣童男女方士  
虛稱善鬼神博浪不能搜大盜深宮徒自飾真人南山未表  
輶輶臭直得長沙著過秦

游驪山題始皇陵

千尺神臯大半崩幽王陵逼始皇陵金刀斬絕溫泉氣銅櫛

歛殘冷水水寶玩豈能生朽骨長眠何用設明燈羨門穿透  
烽臺路可有佳人笑裂繒

再題始皇陵

八袞三泉歲歲耕祖龍墳掘報諸生旣聞滄海遙尋藥何故  
驪山預起塋蜂準吹寒湯石火魚膏撲滅水銀城西隣砢谷  
無多地道是阡儒却自阡陵內用人魚膏作燈水銀作城

從胡趨離垢上雲臺峯一曰北峯

胡趨寺餽好童顏惟石隣胸水一灣對面出雲封巨壑移時

歸雨露空山崖懸日月紋生暈峯肖龜魚翠結斑奇險難名  
游客少仙翁寂寂閉柴關

日月巖與擦耳巖相接在蒼龍嶺北

### 題雲臺峯

山嶺山麓異陰晴羣巘參差霧割平落鴈峯頭雲萬丈飛魚  
嶺上月三更星潭水響金葉舞箭筈風搖鐵鎖驚夷險何常  
人自取樵夫擔擔走撞坪

飛魚嶺在蒼龍嶺東箭筈卽千尺撞

### 題蒼龍嶺

凌空一縷削丹梯旁視無根萬丈谿星海欲通銀漢上天台

猶恨石梁低烟雲散渡羚羊挂雷雨驚飛壘蠃啼踞坐投書  
皆戲弄華山聲價起昌黎

壘蠃早蛇產岑山

題岑嶽宮

在三峯之中麓尤近西峯

神宮璽誥綠金縵古檜陰森護紫泥呼吸遂能通帝座嶮岑

真可構仙樓時厓壘列山靈指活水冰凝柱史臍玉井天開

東井次芙蓉十丈色如礪

五井在宮北水注二十八潭下青柯坪去

玉女峯

卽東峯凡登山皆先抵此峯後及南西二峯

盪躡山川始巨靈猶存掌跡燦然青天文垂示台星勢地質

蹲爲跼足形自北黃河浮玉簡從東紫氣襍金經神龜生動  
將飛去背有丹爻腋有翎

龜石在玉女峯下有洗頭盆

蓮華峯

卽西峯

瑤岑漠漠白雲封灝帝垂裳肅有容仙鬼錄藏秦內史香燈  
租入漢弘農豹斑分額瑋瑋石獅爪蟠拏栲栳松坐久蕭然  
思羽化不知何所借茅龍

二

峯有文章潭有音蓮花葉上撫瑤琴柏環數抱纔三尺石罈

懸厓已萬尋放去青牛成寶樹飛來赤鷺是仙禽終南佳氣  
全收拾河渭條函共合襟

宿岫雲庵

在西峯之麓列星潭右

蓮峯高陰列星潭古卉陰陰覆草庵當午一時纔日照歷春  
三月尚冰函登臨獨杖桃枝竹典籍多厨豆瓣楠閒拾松花  
炊作餅磁壺煎芥對秋嵐

桃枝竹出海南可作杖

落雁峯

卽南峯李太白搔首問青天處

三峯峻極是南峯玉女蓮華下一重丘壑都非人意想音光

難爲爾形容全真洞恠疑仙幻避詔厓荒絕鬼踪更上蒲池  
庵頂望千岩積雪滿林松

弔淮陰侯墓

在古長安城東

長安東闕路南陞斑駁淮陰冢上碑大將曾經天子拜元勲  
枉使婦人欺蒯通游說非無見樊噲稱臣最可疑欲往招魂  
鐘室壞西風蕭瑟草離離

呂后殺信於長樂宮鐘室

二

滕公蕭相兩稱奇百戰功高冠一時躡足良平皆玩弄傷心



絳灌總嫌疑山河帶礪符纔剖弓狗烹藏族已夷死自無妨  
愁死後重泉何以謝鍾離鍾離昧爲信所殺

三

將將去音將兵各擅奇君王對面決雄雌嫌成垓下邀封日禍

兆榮陽請鎮時固是居功無善狀何當震主置誣辭憐才惟

獨蕭丞相南越遙遙託幼兒

信死蕭何以其子託南越王尉佗至今姓常者背其裔也

謁灞陵

文帝陵在灞橋東二十里

灞水橋東謁灞陵不封不樹隱峻嶒三家村穴編茅屋百派

沙泉溉稻塍，諭祭多鐫昭代碣。焚香獨借老年僧，嘉言佩服  
張廷尉，省錮南山惹盜憎。

謁茂陵

武帝陵在興平縣東北十七里

武帝園陵俯渭陽，亭亭矗矗滿原霜。三山八水環京兆，萬戶  
千門煬建章。驃騎北銘沙漠石，樓船南繫粵旂王。臨終悔下  
輪臺詔，何得人言續始皇。

二

嶧嶧堂封轂，四隅茂陵南向拱。天都表章先聖開，文苑付託

元良寫展圖出塞嘗嫌高帝困求仙不似祖龍愚悲歌兼帶  
風流意毀謗英雄是宋儒

謁周陵遂至周公墓

文武成康四陵俱在咸陽北十五里卽古畢原周公墓在其東

歲墓窮游欲問奇畢原秋草護殘碑郊天獨奏生民雅祭廟  
全歌適駿詩西土甘泉芬俎豆南山嘉卉隱采恩遭逢喪亂  
無歸計敬采文周墓嶺著

臥龍寺檢藏經

寺在府庠東

雨過終南曉色青烟嵐襲襲入牕櫺孤棲破寺生閒病倒鎖

重門檢藏經夏菊垂盆藍璫珮秋荀滿架綠簾篁臨風偶對  
諸天笑丈六金身縮一莖

初入太嶠山

此西嶽也記云太嶠山三峯周十里削成而四方蓋指其絕頂言之耳其實少嶠黃

神諸山皆太嶠支蜀

潼關西入見巖峩天半金雲四角裁星斗光沉毛女洞鉤梯  
影斷羽仙臺雁迴江海尋峯落龍負圖書上嶺來先問公超  
棲靜處一溝蒼霧竊難猜

希夷峽

陳圖南墓處在莎蘿坪北

陰厓陡劈鬼風寒  
恠癭聯根百丈蟠  
何有真仙乘氣去  
還畱蛻骨與人看  
睡龍歸穴題初謚  
飛鼠窺燈嚙舊棺  
總爲本朝心事苦  
青松白石付凋殘

題莎蘿坪道院

道士姓王善書

生平僻好是岩阿  
似此名山肯放過  
峯頂奇雲吹齒落  
坪前細雨潤莎蘿  
游人借榻先防虎  
道士臨書喜換鵝  
錦被家家三百襲  
春來浣補待香婆

題大上方

在莎蘿坪對面東壁稍北有小上方

意外山房鑿徑非，凌空樓閣四無依。  
闌珊鏤鎖猱輕弄，重疊琉璃燈蝠亂飛。  
潭落水簾成瀑布，石漂星渚象支機。  
藏經古塔僧年老，猶感神宗賜紫衣。

從青柯坪上千尺嶮

亦作撞音牀

青柯坪側路奇窮，峭絕頑崖一鑿通。  
掌足兼升雙就指，繩梯並用兩垂空。  
僂形似蠅依牆際，恠狀如蛙出井中。  
宿垢侵人離不得，登岩遙賞渭流東。

離垢在胡趨寺上與府渭岩接

登太白山寄懷孝升兼示韓子聖秋仍用京師舊韻

太白峯高險絕倫雲巔松檜響粼粼仲翔遺恨無知己叔向  
餘生不謝人杖履漂搖如夜電眉鬚明滅似秋燐瑰珠玉案  
窮途少寫寄關山月一輪

從雲陽上九嶷山謁昭陵兼訪諸陪塋墓碑

截嶽峯寒七月水雲陽石刻跡如蠅樵蘓指點嗟峩徑鐘磬  
荒蕪哈密僧古獄惟蟲流醺酒長河飛水曳橫絕空多將相  
陪華表諷諫何人一魏徵

二

甘泉宮闕已凋零，貳負名傳山海經。  
路扈工爲天子筆，兒寬博識女人星。  
紅泥軟浸青蛇寺，黃峪高臨白豹亭。  
聞道率更書法貴，池陽官禁醴泉銘。

從臯蘭至抱罕卽事

臯蘭山在蘭州城南六里

臯蘭夜月聽銍歌，抱罕鳴濤下筍籬。  
井度八星躔白峙，雍州三面阻黃河。  
田家樺引孩兒水，戍士庭生寡婦莎。  
將略從來西漢勝，烏孫督護有長羅。

從曲江至鄠杜道中作



慈恩寺俯曲江池雁塔層高望漢陂  
蔣苑叢生三徑草尼宮  
閣看兩廊碑竿投澗谷飛魚散樂奏梨園舞  
馬悲笑問西京  
詞賦客何人解作柏梁詩

從興平至鳳翔道中作

扶風路出上林隈槐里烟林接有叢  
汧渭霸圖非子創漆沮  
王業古公開還朝壯士登麟閣傾國佳人  
瘞馬嵬西望吳山  
天半秀三峯霞舉綠雲堆

自岐山至寶雞道中

寶雞卽陳倉城南渭水水南斜谷

岐陽南麓稻田昀綠樹青畦野不塵諸葛連營屯五丈淮陰  
傳檄定三秦窮經汧水兒且免垂釣蟠溪婦嫁人沽酒荒村  
明月皎滿塲禾豆一園椿

秦嶺

終南山之脊也最高在斜谷西南盡頭處

金牙關外列長陁脊與天交戴井星橫臥全收斜谷勢周看  
別續大荒經神禾春秀千原紫鬼草秋華萬壑青來太地痕  
都不見風烟遙隔雨冥冥

定軍山謁諸葛丞相墓

山在沔縣漢江南卽夏侯淵投首處

梁甫吟曾誦武侯今來汚上撫松楸天威振旅乘金馬名士  
臨戎駕木牛賊指操丕真有見功兼伊霍迥無儔試看兵火  
千餘載誰敢樵蕪傍壠頭

連雲棧

紫柏山藏洞壑幽竹雲溪處祕龍湫來光不測時驚眼舉似  
全非忽點頭峯末有峯青漢插地根無地黑江流雞鳴犬吠  
皆何所熊嘯猿啼百種愁

二 此指馬道松林驛等處

飛梁無柱影捉捉馬走空棚  
颭鐵蹄香麝時從花裏啄  
羚羊夜掛木巔棲層峯  
凹凸連巴右廢閣參差隔隴  
西地暖霜微冬菓嫩村村  
黃綠綴柑梨

三

泖泖大壑觸厓崩來太人攀壁上  
藤遼谷衝天青一縷穠花  
聖地綠千繩盤迴嶺角斜肩度路  
仰雲梢按膝登酒社茶籬  
俱茂草竹雞窠滿寺無僧

四 此蕭相追淮陰侯處

草涼山驛苦嵯峨，千轉岐嶇百渡河。  
日截東西光剩半，天餘前後影無多。  
須援接掌垂空飲，健馬停蹄歇喘過。  
恠絕谿峯驚未見，畫圖難似奈君何。

五

此畱侯燒棧道處最險

隘路環遮隔嶺招人呼，二十四鞍轡花飛滿澗。  
秋風響泉注成江，夜月潮王氣先隨亭長去。  
太山靈不惟子房燒，英雄過後無天險。  
谷口零星處士瓢。

題畱侯廟

在七疊關內

猗川磊石羅冰霜柄鑿殘痕結半墻  
丁下嶙峋猶露字苔中  
剝落不成行  
惟沙昔已驚秦帝  
燒櫬今還戲楚王  
智計絕人  
無測處  
辭封辟  
穀亦荒唐

月夜宿靜明寺與丈雪和尚暨懶石完白分韻

寺在漢中府東

門外 丈雪是破山門人

芒屨蹋破鐵峯平  
乞食初投舍衛城  
客裏頑民歸夢杳  
昏中與鬼積尸明  
百年滄海疑無岸  
一宿曹谿浪得名  
塔影漸移人不睡  
香銷鐘寂月三更

漢中天文與鬼分野內有積尸氣

漢中題漢高帝拜將壇

約王關中徙漢中諸侯以此畔重瞳庸人設策常相似大將  
登壇獨不同父老依光生日月山河換主待英雄秦皇欲厭  
東南氣可得西南厭廼公

漢中謁高帝先王廟

天挺人豪各有方祖孫俱起漢中王蕭曹祠祭梁山黃趙  
碑蹲沔水陽穴產嘉魚烹鱸鮓生美笋掘篋簪卯金鍾氣  
西南勝蜀民秦坤關戰場

從漢中東下至興安

猴經灘迅駭篙師龍竈渦漩震鼉池纜急須防金峭觸船迴  
恰似鐵城移春江風定吹薇草午谷雲蒸剖荔枝長柳村墳  
堪一弔忠臣有女勝男兒

葉澹生山人訪我黃龍潭上贈之

山人以畫與琴知名亦能詩祁門人

青蘿巖下乳泉香

巖泉皆在祁門縣

散寄人間號墨莊氣韻如生無

粉澤悲歌隨意自宮商絃飛海水魚升月筆染林花兔搗霜  
近日遠公能破戒虎谿陪客到柴桑

初逕同澹生來故未句及之



二

山溪六月亦披裘不拾遺金挂杖頭久臥三林聊結夏初驚

一葉卽尋秋

是日立秋

峯如獅豹開雲見峽響琴箏過雨揚聞道

先朝多御賜欣然隨喜藏經樓

三

疎疎詩畫傲人間氣候溪沉逐歲刪常見棗梨隨處送略于  
風雅竟何關傳梅得杏鉛華謝惜墨如金筆意閒五老峯頭  
非一狀陰晴兩不礙廬山

四

懶下漁村夜繡蕭溪山辟暑共僧樵四僊亭冷松陰窹三石  
梁幽竹影綃新榜書成頭欲白古琴紋斷尾猶焦相期補我  
巖灘畫展玩如聽早晚潮

澹生許畫子陵釣臺惠我故云

清明過蘆林抵火蓮院轉入祖塔看梅

塔卽赤腳仙羣處

廬山丘壑比芙蓉花瓣藏花葉外封夾路雙行

音杭

銀杏樹當

門一隻鐵船峯岩深夜色多于晝地冷春光半似冬遲到清  
明梅始放折來分作硯前供

筆屏庵看雨

雲纔綻處復髣髴峯在庵前忽失峯蘭草香霏三月露杜鵑  
啼破一聲鐘齋堂奏樂驚魔蝎村媼拈花飯毒龍共坐曉牕  
談世外瓜乾蕓腐立禪宗

廬山豆腐以臭者爲佳可笑

金竹坪

金色千竿笋一窪橋邊分種幾畦茶文光菓白山腰綴筆架  
峯從澗口遮漆榼常擎尖栗子香厨始有嫩椿芽探竒那復  
愁風雨現出聲聞已到家

般若庵與搏影初逕聞寂三禪師分韻得林字

筇杖麻鞋出大林上霄峯上響春禽

上霄峯在庵正南漢武帝立碑處

投針

龍樹初無解斷臂神光不得心晴月乍來松嶺末亂泉爭下  
石門陰叅禪談問禪何似假榻茅房刻燭吟

二

午位峯高似少林牕前法帖破來禽岩巒藏却無窮路棒喝  
疑生未了心欲賞桃花乘露湛將畦茶子趁天陰蕭然把臂  
東風外一步看山百步吟

贈般若庵主僧惟一

青山不受白雲欺  
雲鎖雲開山不知  
澗水須憑江外去  
林花儘教雨中移  
樵夫絕壁剜何首  
衲子閒牕聽畫眉  
更把春蕉隨處種  
秋來披寫綠天詩

從上霄西行過蓮花庵登鐵船峯

開鑿廬山志不傳  
上霄碑記武皇年  
峯埋玉簡生金竹  
水接銀河繫鐵船  
匡子宅從鄱口近  
遠公詩向石門鐫  
登高十日疑千里  
忽睹來踪在目前

訪查天球查小蕪于赤岡

丁髻峯南處士莊衡門新植五垂楊  
繇來彭澤皆名蠡自有廬山卽姓匡  
座上每逢前父老村中俱是古冠裳  
農夫苦雨登高望今夕初晴喚插秧

游東林寺

卽遠公白蓮社在廬山北麓

秋漲黃葉舞紅泉鬼草侵階冷爨烟  
大士衣紋天竺像

卽胸佩月

廣州相地得者

遠公塔記太元年

塔卽遠公肉身

過谿三笑緣無酒入社千

花總是蓮邈矣風流今想見更從何處說燈禪

游歸宗寺

在廬山西南麓卽智常一休禪舊院也相傳爲王右軍別業洗墨池尚存

東晉園亭竹木罩巖妝金粉供瞿曇雙池墨向青氍灑萬卷  
書從赤眼叅龜內鹽齏成異味隣家醉石可閒酣後人忘却  
中興續燈磬蕭條紫柏龕

二

峯如鶴舞下平田丫髻微垂似黛烟

丫髻山在寺南十里

三障雲霞雙

七月

廬山爲三天子障

六朝鐘鼓一千年偃僂人造芒屨古

歸宗寺有市多

耳者

方丈僧題笋角禪閒過右軍池上步滿欄秋葉噪新蟬

笋角歸宗志之語

天池寺

卽廬山方丈

匡廬西嶼結廻峯不測深池定有龍寶殿風高鈎鐵瓦法華  
文細勒銅鐘林泉皆以功臣賜金碧非爲左道封特典于今  
成往事沙門猶自食杉松

題御碑亭

文典詩皆太祖親製贈周顒仙天眼尊者赤  
脚仙人徐羽客四人

懸厓絕路影堪疑白鹿仙踪定是誰

山志云顒仙  
化爲白鹿

招隱奈何

成怪誕搜神不似此支離錦囊禽衣樓三疊珠嶺雲來接九



奇想像遺文還嗟賞高皇二十六年碑

佛手崑

卽竹林寺鴈門僧行因禪樓處

天眼曾居竹林寺寺卽鴈門佛手崑物色金仙如影響生成  
石屋不鐫剝厓懸峭壁松根倒丁有澄光水氣廉對看潯陽  
江一縷時時峯吐白雲尖

大林寺

惠持弟子曇公舊居也寺前卽白樂天花逕

寶樹蟠龍翠竹綃一廛平地兩弓橋曇林僧老水邊臥花逕  
草荒雲外樵芋栗葳蕤舞佛手香燈寂歷影山腰幽光不見

碑銘跡幾箇松禽話六朝

火蓮院

玉珮峯陰大壑寒

玉珮峯在寺正南

淙淙水下石門灘  
霜前竹映鐵

蕉碧兩後松啼銀杏丹  
山色天生文字意  
烟光人作畫圖看

當年擲筆僧何往  
更洗苔痕疏涅槃

遠公疏涅槃經于此擲筆

黃龍潭寺閣先朝所賜藏經

雲鎖松林雪注潭  
支空方石狀如龕  
鉢衣繫玦三千襲  
錦袱裝經七百函  
鏡鑄軒轅盼天內  
年題蒙古畫安南  
微風過處

香來靜陳設幽牕佛手柑

香山花逕

白樂天謫九江時所開在大林寺前

十里紅林一水關行來不覺是深山  
松篁如繡日穿影金粉  
欲啼苔結斑花去可憐秋色老霜清  
猶似謫官閒多年寶樹  
垂陰滿掩映西堂叫白鷗

汪雨若招飲卽席分韻

雨若時爲德化令

珠酒光凝金叵羅醉來花裏放吳歌  
雲埋雞足神僧遠燈燼  
魚膏蠟婦多落月有香生玉案  
飛星無路返銀河美人遲莫

風流在好向空山采薜蘿

二

柴桑處士不傳燈沽酒東林得未曾每遇名山呼老友時爲  
月旦選高僧百年宜樹三秋蕙五嶽常携萬壽藤海內誤傳  
能罵座聽來原是舊甘陵

三

楓落江臯映錦沙依稀白雁隱蘆花雲停湖口帆如翼雨洗  
峯尖石欲芽小雪微寒東郭履中冷新試北園茶男婚女嫁

何勞問覓得青門且種瓜

九江製觀音兜禦寒也咏之

荒城無物礙烟巒冬樹衣霜雜碧丹舊見江人書魯史今逢  
海客作蠻官麻鞋底薄連跟凍緇帽簷深護耳寒明日籃輿  
過栗里無絃琴在有誰彈

十一月十八日見兒生辰憶之

聞在河南爲蒙師與兒從學

懸弧何處對誰歡臨潁臯西竹萬竿落日空山携伯仲橫經  
野塾耐寒酸追隨隱逸閒栽菊愛惜芳華早種蘭莫向天涯

自石山人詩集卷之三  
悲老父匡家石室好盤桓

孟傳是携其長郎北游余於九江遇之喜贈

字伯強

樊湖十日辭蒹葭授爾離騷古韻差始以長源爲小友今呼

文舉是通家霽凝湖口鍾初乳

湖口鍾乳山卽子瞻爲記者

梅到楊州嶺

盡花

楊州有梅花嶺

誰謂天涯余獨苦明朝君亦走天涯

二

武昌城下競舟時恰好相逢正則祠

余在武昌寓三閭大夫廟徂暑聊爲

無賴飲游山喜作不情詩甘陵自昔多君子江夏於今誦小

兒北去有人如問我但云僧矣尚鬚眉

游南昌題徐孺子墓

在城南五里

馬鬣遺封碧草緌布衣千載重南州  
鏡磨不負黃江夏芻束能驚郭介休  
昭代鄉賢於此祀漢家年號至今留  
一抔無恙何容易帝寢王墳處處愁

遇何昭侯於滕王閣

一別長安忽十春滕王閣畔偶垂綸  
淹留孺子亭邊榻邂逅山陰道上人  
游徧纔知天下小吟高不苦杖頭貧  
傷心咫尺

豐城在故劍難求淚滿巾

從五老峯東下三疊泉

巒巒崇崑鳥道荒風高雲幻氣悲涼乾崗北障三天子

乾崗在峯

之正北最高

彭蠡南開六職方沆瀣流通河漢側星辰羅列斗牛

旁歎然烟霧沉冥太鹿谷獅峯一混茫

遇餘姚黃太冲于五老峯限韻

一峯層上一峯危上到無層歎絕奇白氎巾高難入世青秧  
鞭破不逢時三梁路絕飛僊影五老星如處女肌菊夜挑燈



題樂府漢家鏡吹有翁離

三石梁廬山最幽處未有至者

二

橫空五宿列虛危意外相逢限韻奇  
海內謳吟如望歲山中隱忍到何時  
朱絃冷落嵇康指青漆雕殘豫讓肌  
晨起約君江上醉悲歌原不爲流離

宿萬松坪贈聞極上人

在五老峯北麓

廬山絕頂豁平村疑是匡家石隱痕  
三疊發源纔浙瀝五峯隨後作兒孫  
風交美竹時聞響嵐鎖深松不見門  
鐘板圖書

圍枕次道人高臥白雲根

除夕與談長益同宿雨若署中分韻

歲聿云終火改炆無家人共酌江邊雲沉西澗迷黃犢

事見廬山

志中雪積東林傲白蓮梅福挂冠猶住市柳菴歸土再生天

事見

九江郡志

余自喻也閒閒追憶神京事除夜僧寮忽十年

辛丑元旦與長益雨若同賦

出岫晴雲曉自閒霏霏如畫罨廬山江水始解魚先陟塞雪

方溪雁早還寶氣嶒嶸雙劍秀香爐縹緲九峯環

雙劍峯香爐峯九奇

峯背廬山  
北面者

居停投我柴桑志約到黃龍頂上刪

二

崦嵫空枕魯陽戈脫網枯魚懶渡河三尸子孫雲外太六朝

金粉夢中過移文逋客烟霞媿載酒名山比興多莫道東林

容易入謝侯無奈遠公何

謝康樂求入白蓮社遠公不許故云

人日偕談長益汪武承游廬山

自東林至圓通寺登石耳峯仰天坪下至金竹

坪黃龍潭復登五老峯抵三疊泉凡三日

烟疎谿靜草蒼黃徧攷廬陰選佛場壁上名人多北宋厓邊

古樹悉南唐登峯須愛籃輿力映雪貪看瀑布光所過茅庵  
僧半鎖年初各自拜春忙

再宿萬松坪閣闌極上人新修山志

初春山事樸千秋僧住深林未易求木葉聲聞函丈履茅房  
規製藏經樓雲隨兜率光中現泉指扶桑影下流

三登泉自西而東下

王川門  
太故云

討論潯陽三隱士續之元亮不相侔

再登五老峯

同談長益

破險尋幽得未曾烟嵐未了再來登南湖雨霽千帆畫北麓

松溪十院僧峯似蓮花朝玉女光疑瓦屋放神燈

蓮花峯在西嶽瓦屋

山在我

看山看到移情處叫絕青天第一層

答晦山和尚兼示文燈巖

晦山諱戒顯太倉人

梨木隨處現金繩先後雲居兩道膺

晦山先住雲居山即道膺古刹也在廬山西南

林下無邊持鉢士山中幾個讀書僧湖光顛倒天池塔花氣

氤氲佛手燈勿作語言文字看四威儀外說三乘

南康查天球周長孺南昌彭躬庵冒雨至東林見訪

志

仲春山寺雨冥冥木筆花香蕙九莖處士踏開天千障仙人

飛下御碑亭斗牛墟裏驚龍劍箕尾躔中示彗星雲太雲來  
容易破移時還看嶽峯青

二

行藏難問是初心旣入深山又恐深慧遠不棲三疊瀑陶潛  
虛設一張琴拋殘故國人人旅辜負春光日日陰迨奏壎篪  
來伯仲泉香花氣忽鳴禽

泰山

青帝端居盛在春巉峽上與碧空隣龍飛南面明天子雷震

東方大聖人齊魯分茅猶過客云亭從祀僅陪臣凌晨趺坐  
峯頭看滄海中間鏡一輪

五嶽獨泰山南面

二

萬壑千岩一氣生金天墟次列層城烟雲具有冠裳意風雨  
時聞劍珮聲地底星河穿海出山根日月蹈空行須知史氏  
存規諷削去東封帝子名

泰山是金天少昊之墟

三

王制名山不以封封維五嶽岱稱宗聲光未是諸侯物縹緲

如親上帝容藥窟冰藏多鬼竇樵屋雲斷有靈蹤神州無數  
烟巒在對此巖巖悉附庸

四

十八盤高子午開  
累愚對案設徂徠松垂谷口旋遮去雲繫  
山腰不上來郡國遙從星下指華彞略傍日邊猜霜霄初霽  
登吳觀練馬金閨一綫纔

觀去聲

五

閒挑春檻陟巉巒雪覩塵銷望不窮分野入奎山號左職方



連海地無東河來濛汜青烟緲國現琉球黑子同羞與晦  
爭莫氣起家先在曉雲中

六

紅門黃峴路嗟哉每到迴峯見汶河武帝國中金簡與真宗  
屏下水簾多霞宮奏樂山齊響日觀題詩壁更磨無數烟光  
吟不出天風浙瀝感如何

七

山外尋山山有餘漫勞香客引籃輿西峯壁繡仙人影北峪

泉鳴梵嫂居映日遙看三島市梯雲重寫八分書從來造極  
登巔者破險窮幽不逮余

先慈昔在病中諭余必三禮秦山今竣事矣報命

岱嶽峯頭奠老親遭逢如此最傷神香燈草率難成禮歲月  
稽遲別有因萬死復開亡命路九原應恕苦心人書生不及  
田夫勇臨到懸厓忽轉身

泰山有捨身厓

曲阜謁孔廟

泰山滄海並高深一院松風洙水陰啓聖祠前開玉簡恭王

壁裏奏瑤琴彤墀鶴舞冠裳麗繡柱龍彫日月臨世爵有人  
誰孝享殘碑秋草聽蟲吟

二

累朝尊爵加無已加到先師自永嘉

嘉靖大學士張璁請改謚先師璁永嘉縣人

四海龍蛇荒世界一城琴瑟舊人家魚穿萍底金浮翠鹿啄  
松陰雪點花慚媿腐儒從祀者杏壇雙廡繫匏瓜

拜先師墓

吳陵西舍一墟雲經兩千年俎豆芬榮室永懷端木樹趨庭

先祀伯魚墳川原暎帶多生氣  
尚聞光華悉古文看取詩書  
刪定後秦皇有火不能焚

二

寶門金甌幾換春尼山宗祏不沉淪  
鍾離創作封墳制粘罕  
能誅發塚人壯歲登峯遙辨馬  
衰年絕筆尙悲麟明禋直與  
天同壽豈是靈光可比倫

聖墓拜石漢鍾離意所製  
粘罕兵過曲阜有言墓多寶玉可發者

粘罕云大聖人墓豈可發遂斬之

三

曲隧方塤暗水渟當門鄒嶧作遙屏林多佳卉三千種草有神著一百莖天地閉藏猶祀廟子孫貧賤好傳經若堂封後無興廢愚殺從前石郗銘

林樹皆門人以其土產移種者

周公廟

卽魯太廟或曰漢震光殿故基

陰森古柏闕宮涼金粉凋殘文憲坊

周公謚文憲

開國元勲稱叔

父郊天殊禮賜成王宮隣義廟傳三易夢發尼山隔一墻兵火有年遺跡燼游人何處讀靈光

漢王延壽作靈光殿賦

從古曲阜登少昊陵遂至防山

春秋合季子防卽此

魯公初啟舊封疆上古金天壽域藏子第三千游闕里山河  
十二入明堂蛟龍逐恠蜘蛛幻雞犬成仙最最荒隱隱連峯  
如俎豆墳丁指點合于防

重過兗州有感

亭長臺西舊酒徒疎狂名姓滿江湖常從世外尋高蹈不避  
人間有畏途季札重來周樂散奚斯一去魯宮蕪南樓極目  
誰同醉正月愁聽是蟪蛄

刺魯政也

示余兩石司李

余諱國柱湖廣大冶人

逃禪何用賦無衣萬里擔簦識者稀山驛月明狼聚嘯海天  
霜冷鶴孤飛談詩昔坐東樓抹嗜酒今於北海依兒輩爲言  
臨穎事張堪寧不感朱暉

吳兒在臨穎時兩石爲大梁司李  
頗有所饒

### 濟南春游

歷下名泉十種餘春寒猶沍酒帘虛冰凝巖背鱗鱗樹水湛  
沙根尾尾魚散仲有孫能蹈海伏生非女不傳書風光最是  
西城好無數人烟共一渠

趵突泉

一名溲源卽濟水

王屋源高渤海低伏行千里注齊西氣通山澤相爲悅波有情文不可倪初瀉銀河星影爛平分珠浦夜光啼將求禹績東歸處馬頰釣盤共爾題

二

方塘束水水紋驚破地流光鼓舞行沉影南山如洗黛朝宗北海未停聲冲和久蓄來當富氣候常新注不盈何用瑤池分沆瀣凭欄一羽是金莖

三



泓然一沼配江河濟瀆精華爛熳多沍液旣盈無貯舍堅山  
相觸遂騰波聲光發越魚龍嘯膏澤紛紜土穀和試讀楞嚴  
問消息火輪風沆正婆娑

徧游歷下諸名泉志之

選酒携僧杖挂錢文螺碧藻蕝芳鮮山花氣冷園猶鎖水草  
名多志不全隨處林蠻生異蘖各家厨竈汲新泉游魚亂逐  
游人影吹得明珠滿路漣

北極宮臨大明湖濟南城內巨觀也題之

金瓦堯堯峙碧甍孤無憑藉北天撐四隅松柏山當面一望  
樓臺水半城鐘磬寂時星劍舞芰荷香處酒船橫登高畢攬  
三齊秀春鳥春泉不住聲

後春游詩

微風新雨杏花天山翠溪光處處妍南客空囊賒北酒西司  
高價估東錢邨宜桑圃環栽枳湖就葑隄各種蓮發興尋春  
歸已夜隔牆明月影鞦韆

游大明湖夜歸

濟南城內小西湖映帶烟樓作畫圖楊柳岸邊童子擢芙蓉  
帘下美人沾水中山色時明滅花裏琴聲半有無北極宮高  
隣舍遠松門深鎖一燈孤

登華不注有感

華不注山濟南城東北十里

山左文章借爾傳生成霞筆寫青天中巖石上初抽笋太峯  
峯頭未綻蓮雲樹移歸龍洞裏香燈浮出馬鞍巔自經離亂  
無儕輩孤立秋空氣孑然

袂日丁野鶴來乞白雲樓碑文答之

野鶴諱耀炕諸城人

芍藥花天綠雨勻南山芳草襲重裯祓除憑藉東風力音問  
綢繆上巳辰尉氏常思厨酒校柴桑不答餽餞人欣聞白雪  
樓重建鼓吹宮商協比鄰

夏初

萋秀瓜生綠樹勻櫻桃吹露浹芳辰無邊首夏清和色不識  
他鄉患難人俎豆凋殘非舊魯山河離析媿東秦愁中甲子  
憑何紀楊柳花飛是暮春

時在濟南獄中

端午

風雨淒然節候非，載經寒暑未言歸。  
周旋屬地沾菖酒，勞苦家人寄葛衣。  
四海窮交緣世盡，百年生計與心違。  
他鄉無數河山汨，崛強樽前不忍揮。

元日

鞭犢青郊半月前，云胡風色尚悽然。  
他鄉不樂頻添歲，同舍何須更拜年。  
鸛鶴環庭吹曉雪，屠蘇就炕酌春烟。  
茫茫正朔歸無路，雲物書空亦可憐。

時同新城王令子

二

龍蛇再歲已經過今後春光看若何夢裏人歸桑梓幻愁中  
客怨雪霜多觀風岱北詢千乘注水山東辯九河天外一聲  
南雁到瞿然高望復悲歌

中秋有感示黃若曾魏君重諸同難者

露泠秋分滯此都羣歸玄鳥惜余孤邸中田叔曾來否門下  
任安尚在無蟠坐牛衣看趺突橫肩羔酒上華不風波夷險  
須臾事靜臥閒吟是故吾

不卽附字音乎

晁兒來歷下省予作此送之

歲蕤芝玉佩經函發棹淮陰步濟南海市雲霞生殿闕山邨  
草木苑烟嵐升沉有數非余恨風雨無家爲爾慚怨矣離騷  
能不怒美人遲莫憶湘潭

苑音郁

二

畫梁秋燕各分飛天海茫茫顧影微豈有國亡家不破何當  
巢在子還依埋光寶劍期終合避采明珠自遠歸試問青堂  
授經處年來松菊可芳菲

二

樞綴金毬粟綻房祇園剝棗四隣香山人發興惟沽酒地主  
隨緣不裹糧看破功名如傀儡生成泉石是膏肓西風樵澹  
無聊甚日日登高送夕陽

贈萊蕪令葉睂初時以貴陽節推改授

龜陰百里石田荒中有人歌汜小康一往山川聊寫意從來  
撫字不傳方安期洞裏丹砂壽貞節祠前俎豆香聞說星軺  
天外返可曾携得馬金囊

萊蕪僧舍雜吟



稽古論文夜氣清  
宮商要絢有餘情  
解人頗處窮愁破  
獲我心時感慨平  
湖鳥暗啼春不寐  
山花過放雨初晴  
南歸發爾厨中籍  
毋取浮譚妄博名

詢九河入北海路遂至德平

時戴紳璜爲邑令

鉤盤河抱兩重城  
棗柳連阡百堵平  
滄海波函冬日煥  
立枵野濶鎮星明  
鄉人抗節傳高翊  
郡相憐才薦禰衡  
地僻官閒賓客少  
雙柑斗酒月三更

北海星次虛危故用立枵

萊蕪寓千佛寺

寺在城東汶水之北岸

遠別重逢匪所期無邊心事不能悲  
齊山春曉聞鶯鶯布被  
年多想鷄鵲靖節諸兒皆善酒  
康成小婢亦能詩  
吾書尚可  
三冬飫歸臥汧堂更下帷  
鷄鵲冠名

四

玄沙蒼岫海雲紅  
十二山河自此東  
悲爾遠歸如社燕  
別吾先去是春鴻  
與仁何事開嫠婦  
得失無端惱塞翁  
看取舊庭勤灑掃  
霏霏新露引初桐

五

瓦破松頽古刹荒僧寮夜漏屢移牀歸林亂叫鴉成隊度嶺  
橫飛雁幾行山氣沉涵青月苦砧聲歷落碧天涼無衣三疊  
勞君賦爲說今年必早霜

葉令惠秋衣故及之

二

雨過中秋野氣涼誰裁椒蘭易荷裳蘼蛸網濕猶垂戶蟋蟀  
音繁已在堂日落樵夫應放擔年衰優孟不成裝愁聞河決  
金隄碎十萬窮民負土壤

睂初遮雲南事頗可采志之

男兒誰不佩蓬桑未必如君萬里長問俗觀風雷外部分庭  
抗禮日南王惟聞六詔迎仙吏不待三年伐鬼方小小中原  
能幾步祇無人賦出門行

朱周望自雲間來新詩見投遂步其韻

周望諱在錫壬午科

龜臯峯壑已全收復爾尋源汶水頭千里瓊瑤投上海一時  
風雨亂中秋休文抱病何嘗病從事言愁始欲愁楓葉蕭疎

琴劍冷滿山黃雪賦登樓

黃雪山房萊蕪譚氏別墅也

送崑山徐孚若南旋

援幽常住海雲間  
白露英英送爾還  
仙子有丹藏蝠洞  
聖人無斧伐龜山  
驚蒐風雨秋纔霽  
痼疾烟霞老更閒  
欲據年來新樂府  
託君携到五峯刪

五峯卽崑山

過范縣題李在東村舍

四壁無門夜不封  
移家原自五華峯  
蒲團臥病詩書枕  
粟飯留賓子弟春  
宅角茂林宜種杏  
籬邊荒徑可移松  
茲來其訂他年約  
爾響銅山我報鐘

南庵結夏贈雲統玄竹二三主僧

苦行開山八九霜城隅填海發雲光祇園不借金銀重丈室  
初聞課誦長鳴去袈裟應已窖燒來舍利復何香維余感此  
投鍼意高臥支空白版牀

行去聲

德州游程氏秀餐亭

小徑泥荒落木重  
溪林五月似秋冬  
風來亂響旃檀竹  
雨過新栽羅漢松  
開閣平看千里岫  
隔河遙度一聲鐘  
扶疎葉底黃鸝轉  
相視迢然憶戴顓

冠縣訪梁東川於小化邨

冠氏城陰百畝田垂楊廬舍棗花厓大梁客以侯羸重溪井  
名隨聶政傳宰肉里門聊結社敵基僧寺不參禪驚聞余到  
非常喜彼此餘生共可憐

端午飲下茹西齋時偕莊尚之盧德水諸友

廣川何處競龍舟角黍盤餐艾插樓鸚語催茶方病酒塵譚

驚座直科頭臨書選筆兼行草

是日莊尚之爲  
諸社友寫字

度曲隨簫互

唱酬下第無顏歸子舍因逢高會且畱畱

武城蘇黃中畱余過夏因題其齋

雲影蒼茫雨影低  
胡桃綠與北樓齊  
盆中江卉開叢樹  
野外沙田濕半犁  
秋早莎雞仍振羽  
海遙精衛莫銜泥  
且看今夕晴天好  
連臂佳人唱大隄

二

筇杖芒屨萬里隨  
南歸停泊御河湄  
千層蓮蕊開磁磬  
七月

桃花放柳枝

指柳葉桃

鐵笛風高仙子醉  
銀橋雨暗美人遲  
甘瓜

次李閒相賞又下藤籠浴畫舫

七夕有女郎見招者主人病不能往余獨醉其家題此



熒惑西行大火流  
勞人避暑歷亭秋  
蘭滋九畹來湘渚  
瓜剖三稜產貝州  
橋上鍼穿烏鵲喜  
臺邊簫引鳳凰愁  
天孫虛席牛郎病  
却共誰登乞巧樓

過清源夜集汪未央畫閣小婢行酒吟詩達旦

樓南明月挂松腰  
花徑深深燭火遙  
名士登堂堪倒屣  
侍兒行酒恰垂髫  
圖書四壁雲甯篆  
彝鼎千金翡翠燒  
漏靜風疎簾幙響  
談言微中似春潮

暑夜與清源諸友携女郎河干小飲

輕風澹引莉花香月影搖波返照涼漸數城樓催晚析乎看  
斗柄接危檣飛鳥旣疾翎生響墜露將凝地有光好景他鄉  
難聚散洗厄零濕美人裳

東昌抵張秋雨後獨酌

涼生雨後喜晴秋餘壑涓涓倒岸流未盡殘雲籠野樹初開  
微日照村樓泥花有穴知藏蟬蘆葉施鎌可飮牛風激水鳴  
帆勢穩隨灣直下碧蓮洲

安山驛夜雨

瀟瀟夜雨滿河千風入簾牕竹簟寒舫漏無燈頻徙榻泉枯  
得水亂鳴灘狂游未覺人生苦失意纔傷客路難屢次聞雞  
顛倒坐窮愁此際可能安

齊寧訪李六翮不遇因憶昔年與劉無如飲此感而誌  
之無如女郎字也艾千子贈

秋水平塘列釣綸灣灣荇藻葉如鱗客來今日誰爲主花是  
當年不見人事後空悲緣有限愁中並使夢非真還能記得  
星牕下淚漬青衫未可泯

過沙溝褚延禧月下載酒與蘭若小飲

叢圃穿畦接井門暗泉吹草響沙根樹因月起纔生影山與  
烟迷略有痕隔寺蟬隨幽磬聒尋巢鵲逐墜星奔美人跌坐  
化裊上一曲清商啼夜猿

余素有山水癖又值患難相尋遂遠十嶽凡二十年乃  
歸辛怡子忽以詩社見要喜而赴之因題其齋中三  
律昔庚戌端午後三日也

癖嗜名山萬里廻故鄉紛社此重開尋花豈可攢眉去問字

應須載酒來岐下野人春石鼓鄴中諸子佞銅臺何如小院  
清陰布不數龍門百尺才

怡子齋中有青桐一株甚踈潤

二

前朝夏至卽端陽盛暑陰森葛服涼曲筆慚修照代史童心  
喜入少年場吹簫丞相傳新譜擊筑兒家洗舊妝追憶平時  
行樂地環橋十里菱荷香

三

斷斷市巷結岩阿折簡招尋信宿過金谷每嫌朝士橫竹林

偏愛酒人多奇文鳥跡兼蝌蚪  
窄院花陰繡薜蘿卽事分題  
端午後夏行秋令感如何